

Foux Gyongraez Gaeuyiengz Yauzcuz

□ Godoq comz hoiz



▲ Gyoengqvunz swncienz cingq youq gwnz daizheiq diuq foux gyongraez gaeuyiengz.

◀ Daengz Aumwnz yienj foux gyongraez gaeuyiengz.



▲ Foux gyongraez gaeuyiengz ndaej hwnj daizheiq Yangshi.



▲ Cungj feihyiz neix haeuj hagdangz lo.



▲ Gaeuyiengz caeuq gyongraez doxboiq ndaej ndei.



▲ Lauxsae dangdieg caemh diuq ndaej ndeiyawj.

Foux gyongraez gaeuyiengz Yauzcuz dwg cungj foux dangdieg gag miz ndeu, youz Hocouh Si Cunghsanh Yen Liengjanh Yauzcuz Yangh ciuq gij goekgaen minzcuz caeuq rangh-dieg vunzyouq daeuj cauh'ok.

Haujlai bi daeuj, foux gyongraez gaeuyiengz gaenq baenz cungj cezmuuz vunz Yauzcuz dangdieg gaezmaij liz mbouj ndaej haenx. Vunz Yauzcuz hwnjranz、hohsouh、couxbawx haqlwg miz lwg、angqhoh fungsou caeuq guhcaeq daengj cungj yienj fouxgyongraez. Baez daengz ngoenzciet cojcienz lumj gvaqcieng、Cietbuenzvuengz、guh ranzfwen daengj, cungj yaek diuq cungj foux neix.

Gij guhfap cojcienz gvendaengz



▲ Gyoengq hagseng mbanj Yauzcuz youq Aumwnz yienj 《Swncienz Foux Gyongraez Gaeuyiengz》.



▲ Vunzlai dangdieg guh maz hozdung cungj maij diuq foux gyongraez gaeuyiengz.

foux gyongraez gaeuyiengz haenx dwg: Boux diuq fouxgyongraez mbouj mauhgyaq 3 boux, boux diuq foux-gaeuyiengz mbouj hanh geijlai boux, langh miz gaeuyiengz, cungj ndaej camgya. Heijdaez diuqfoux seiz-haenx, boux diuq fouxgyongraez laebdaeb roq gyong sam baez, boux diuq fouxgaeuyiengz couh baizdoi, gaeuz ndang, song fwngz gingz hwnj gaeuyiengz, ciuq gij ningdoengh caezcaemh cug yamq cug yamq diuq okdaej, diuq yamq ndeu diemj mbat gaeuyiengz ndeu, doengzseiz, vunzlai ciuq gij ningdoengh caezcaemh doxlnz hemq “huhye—huhye—huhye—huhye”. Diuq daengz gyang, boux diuq fouxgyongraez laebdaeb roq gyongraez song baez seizhaenx, couh daengz seiz “yienzbya” doxdaemj, couhdwg boux diuq fouxgaeuyiengz baez gek yamq ndeu, song boux au gaeuyiengz doxgoed mbat ndeu, hawj sing doxgoed yienj sing singi. Diuq daengz duenh doeksat, boux diuq fouxgyongraez couh laebdaeb roq gyongraez sam baez, boux diuq fouxgaeuyiengz couh soengz soh

lo, ningdoengh gyavaiq, doxdaemj gaeuyiengz, caemhseiz hemq “huh—huh—huh—huh—huhyezhuh”. Diuq daengz doeksat, boux diuq foux-gyongraez song fwngz gingz gyongraez sangsang bae, neix diuqfoux couh sat lo.

Bi 2010, foux gyongraez gaeuyiengz Yauzcuz ginggyaq Gvangjsih Bouxcuengh Swcigih Yinzminz Cwngfuj doengzeiq, ndaej lied haeuj daihsam buek swcigih gaep feihvuzciz vwnzva yizcanj mingzloeg.

Bi 2018, Cunghsanh Yen Liengjanh Minzcuz Cunghyoz 28 boux hagseng Yauzcuz daibyaui Gvangjsih daengz Aumwnz camgya 2018 Yacouh bouxcoz nyezrauh cien vunz comz yienj dijcauh bouxbing hozdung. Gyoengqde youq ndaw hozdung yienj 《Swncienz Foux Gyongraez Gaeuyiengz》《Fwen-mwnzlai》song aen cezmuuz, bouxyawj cungj haenhndei dangqmaz.

Seizneix, Liengjanh Yauzcuz Yangh Minzcuz Cunghyoz dawz《Foux Gyongraez Gaeuyiengz》dangguh gogenh hozdung, au neix daeuj swncienz vwnzva Yauzcuz.



▲ Gvaq ciet guh hozdung vunz dangdieg cungj maij diuq foux gyongraez gaeuyiengz.